

DISPUTATIO JURIDICA FEUDALIS
DE FELONIA
 CUCURBINATIONIS,

Quam

Consensu & Autoritate
 MAGNIFICI NOBILISSIMIq; JCTORUM
 In Almâ Leucoreâ Ordinis,
 PRÆSIDE

VIRO CLARISSIMO AC CONSULTISSIMO
 DN. GODOFREDO NICOLAO

Schleenstein/J.U.D.

*Præceptore, Fautore ac Patrono suo
 debito observantia cultu devenerando*

Publicæ disquisitioni exponebat
ANDREAS Stimming/
 Belzig. Saxo. A. & R.

Ad diem 27. Maji MDC LXXVI.

In Auditorio Jctorum horis consuetis.

Nunc verò ad instantiam qvorumdam Dnn. Amicorum secundâ vice
 auctior & locupletior edita ab AUTORE.

A. cl. Isc LXXXIII,

4 $\frac{1}{2}$.

1870

Wm. H. ...

...

...

...

...

...

...

...

J. N. D. N. J. C.

Somnium rerum agendarum nobis sunt capienda à Diis immortalibus primordia, referente Ethnicorum prudentissimo Cicerone, meritò & ego invocatò prius divinò Numine laborem hunc incipio. Dum autem dubitarem de jucundâ quâdam simulq; utilissimâ materiâ, tandem animo sententia surgebat nullam meliorem tum ob hodiernam ejus maximam utilitatem, tum in disputantium Scholis raritatem occurrere, *Cucurbitatione*, materiam. Quid enim hodiè nõ dicam in aulâ, sed etiam in caulâ magis (ut ita loquar) practicatur, quàm abominandum hoc non solum in legibus divinis & humanis severissimè prohibitum, sed etiam ipsâ naturâ probrosum vitium, ut taceam gentes moratiores, quæ tam ab hac commixtione abhorruerunt inordinariâ, ut etiam gravissimis poenis, gladio interdum, nonnunquam ignicremio hoc execratæ sint flagitium. *Vid. prolixè differentem Petr. Gregor. Tholos. Syn. Jur. Lib. 36. c. 6. à n. 21. usq; ad fin.* Et licet fuerint gentes, penes quas concessa hæc videtur coitio, sicuti de incolis Insulæ Calecut referrur, qui non prius Sponsam virginem quàm à Sacerdotibus ad id mercede conductis vitiatam, in sponsi deducunt thalamum. *Cluver. Introd. Geogr. lib. V. c. 9. §. 4. Lit. ab. p. m. 337. adde Harædörffer. Relat. Juc. 159. n. 7.* licet, inquam, fuerint, non tamen exinde procedit, quod hoc naturâ volente fiat; sicuti etiam furta sunt ipsâ naturâ turpia, l. 42. ff. de V. S. & tamen inventæ gentes, quibus furtum pro arte erat, uti refertur de Lacedæmoniis & Aegyptiis. Cum autem una vel altera hirundo non faciat Ver, sic hæc quoque gentes non evertunt naturæ præcepta, nam quia hæc mutatione carent §. pen. *Inst. de J. N. G. & C.* sic & perpetuæ erunt veritatis, & ab his mutata dici nequeunt, nihil ergò decedit ob recessum relatarum gentium universalitati huic, uti etiam unus vel duo delinquentes

non evertunt legem. Si verum hoc; quis iniquam & non potius cum jure naturæ convenientem judicabit Juris feudalis dispositionem, utpote propter hoc Vasallum Feudo exuentem. Cùm autem ante omnia quid illud sit, de quo disputatur, explanari debeat, rei verò essentia nullâ aptiori viâ, quàm definitione explicari possit, quare hisce morem gerens sisto hic

MEMBRUM I.

continens

*Definitionem tùm Nominalem tùm Realem & Divisionem
hujus materiae, quibus additur varia Adulterii pœna,
& ejus origo.*

I.

ANtequam vero definitionem accedam ipsam, aliquid de *Cucurbitationis* origine præmittendum puto. Vocabulum igitur hoc non esse latinum, nec unquam à Jctis receptum, sed ab his solummodò Dd. qui, quas vocant, *Feudorum consuetudines* à Longobardis originem petentes, scriptis mandarunt, originem sibi vindicare, unicuiq; , ut puto, mediocriter in jure Feudali versato, satis notum erit. Licet a. Latinum non sit, non pudet tamen (*inquirente Dn. Struv. S. J. F. c. 15. tb. 8. ex Ant. Matthæo*) uti Cucurbitationis verbo, timendum enim est, ne, dum nimis affectamus latinitatem, pro perspicuis obscura verba usurpasse videamur. Hanc autem derivant quidam à verbo Latino *Cuculus*, ex sequentibus rationibus (1.) sicuti hic est avis admodum incuriosa sui generis, ita & maritum delineant talem, quod matrimonii sui incuriosus; uxoremq; suam moechis permittat. (2.) Qvemadmodum hæc avis in alienum nidum maximè Hypolaidis, quam ipsi Curucam vocant, ova sua transferre dicitur, sic & hic patitur alium ova in suum nidum congerere. Sed admodum inconcinne & incongruè, hæc enim ratione non *Cuculicare*, uti ipsi volunt, verùm *Curucare*, esset dicendum; præterea etiam Cuculus in alienum, hic vero alii in mariti nidum congerunt ova. *Vid. Alciat. Parerg. lib. 7. c. 5.*

2. Deducitur itaq; à barbarâ voce *Corbita*, quod Longobardis in genere idem erat ac stuprum vel infamia, *Reusn. Diss. Feud. IX. tb. 31. in specie vero tantùm ad Jus applicatur Consuetudinarium s. Feudale*

dale, si Vasallus Dominum suum stuprum inferendo ejus mori & cœteris personis i. F. s. relatis injuriâ vel maculâ afficit. Non igitur à verbo *Cucurbita* ortum petit, uti quibusdam videtur, hâc autem aliâs utuntur Chirurgi seu Medici ad sanguinem levi scarificatione educendum, & harum præcipuus est usus, si non in toto corpore, sed in parte aliquâ maximè in ventriculo vitium hæret. Licet enim hoc nomen non multùm ab hâc nostrâ abludat materiâ, nam duplex aliâs scribitur Cucurbitarum genus, Corneum aliud, aliud Æneum, quorum hoc alterâ patet, alterâ vero clausum est parte (Germ. *ein Baderkopff*) illud alterâ parte æque patens, alterâ foramen habet exiguum; non tamen hic opus in Latium excurrere, cum nativæ vocis è patriâ *τρύβας* peti possit. *Dn. Struv. d. l.* Fateor equidem & de facili concedo Longobardos originem hujus verbi potuisse ex hoc latino maximè propter convenientiam aliqualem petere, uti enim corneum Cucurbitarum genus usurpatur tunc, ubi vitium intrinsecè corpori inhæret, & sic ingerendo in corpus vel ventriculum illud extrahunt, itâ benè possim dicere, quod Cucurbitare Latinis idem sit, ac in Ventrem aliquid ingerere, sed aliquantò remotior derivatio. *vid. Calepin. in Lexic. verb. Cucurbitâ.*

3. Hæc de abstracto dixisse sufficiant, examinabimus paucis etiam Concretum seu subjectum illud, cui hæc infertur Cucurbitatio, sive injuria, illudq; est maritus uxoris, sive Dominus, *per text. i. F. s. §. Item si fidelis.* dico autem *injuria*, non quasi adulter habeat animum injuriandi maritum directè, sed quia indirectè & per consequentiam afficitur injuriâ, *Eckbold. disp. x. ad L. Jul. de adult. §. 6.* Nam qui vult adulterare uxorem, prius adulteret ejus maritum, non tamen hoc propriè est intelligendum, sed impropriè pro conversatione familiari cum viro, hæc enim præstat introductionem ad ejus uxorem. *Nevisan. tr. Sylv. Nupt. lib. 4. n. 85. in f.* si igitur hoc, non veniet tanquam injurians, sed tanquam amicus: verùm caveat sibi maritus ab hoc familiari, ne recipiat inimicum in familiarem, & nutriat murem in perâ, serpentem in gremio, & ignem in sinu. *c. Et si Judaos 13. x. de Judeis.*

4. Verùm regerat quis, qualem ex hâc conversatione incurret Dominus injuriam, potius à procis honore quàm contumeliâ afficitur? Ad hoc Resp. Si nullam incurrat aliam, (quæ tamen videtur

minima) injuriam, quàm quod ab imperito multo is gravetur titulis, maxima ipsi esset injuria, nam talis (1) Nominatur *Cucurbita*, qui est Vir uxoris adulterio infamatus *Reusn. d. l. & Herm. Vulsej. de Feud. lib. 1. c. 9. th. 31. vel uti Rherius in Comm. ad text. 1. F. 5. cujus uxor stuprum perpetra est*. Dicitur (2) *Cornutus seu Corniger*, quia subsefso-rem patitur sui matrimonii. *Rittersb. part. Feud. l. 2. c. 5. q. 92 in med.* Hinc etiam *Phil. von Sittewald Vision. des Todten Heers canit*:

Conjugis obfurtiva negotia cur ego plector?

Corniger à populo praterente vocor,

Et digitis monstror, nam quæ non fecimus ipsi,

Sed vos (nescio qui) vix ea nostra puto.

Es ist kein
Hahnrey! Er
habe denn
Gedult da-
bey.

ratio forsan est, quod, sicuti de Hircis cornigeris scribitur, quod ze-
lotypia non afficiantur, hi quoque patienti ferant animo substitu-
tum sibi ab uxore, juxta rythmum: *Es ist kein Hahnrey / Er
habe denn Gedult dabey*. Aliam dat *Alciat. d. l.* quod eos
uxores tanquam hircosos averfentur, ob nimiam fortè salacitatem,
ob quam etiam hi nostri dicuntur, (3) *Eruca*, Eruca enim herba est
promovens venerem, juxta id Poëtæ: *Excitat in Venerem tardos E-
ruca maritos*; & ob hanc averfationem alium hoc vitio non labo-
rantem substituant marito mulieres. Sed prior placet, non enim
hæc semper vel raro locum sibi vindicabit, verum enim id *Salomo-
nis*: *Prov. 30. v. 16. Mulierem esse insatiabilem*, si hoc, quare fugiat ob
salacitatem maritum. Eleganter autem hos describit *Cornutos*
Ulp. L. 2. §. 3. n. ad L. ful. de adult. quod sit talis, qui patitur uxorem
suam delinquere, matrimoniumq; suum contemnit, quicq; contami-
nationi non indignatur. Salutatur (4) *Bonus Vir*, non quidem in
sensu proprio & Philosophico, pro tali, cui omnes insunt virtutes
& actiones virtuosæ, ut temperantia, Justitia &c. sed sensu maximè
abusivo & improprio, pro eo, qui ob uxoris suæ lasciviam malè au-
dit. Hinc etiam dicit *Neviz. d. tr. l. 4. n. 76. & Eckbold. ad n. sic. de In-
jur. §. 3.* quod maritus ob hæc verba possit alternim injuriarum actio-
ne convenire, quasi dixerit, se habere uxorem adulteram; imò dico,
non tantum maritus, sed hoc cessante ejus uxor poterit agere, non
enim hæc injuria tangit solum maritum, sed etiam uxorem, si enim
ille Bonus Vir, hæc adultera erit.

5. A græcis salutatur (5) ἄργος, i.e. ignavus, iners, quod ex ἀ-privativo, & ἔργον opus, qui est sine opere, Vir sine negotiis, incuriosus & segnis. quia qui hoc flagitium in maritum patrare audet, habet eum pro homine inerte, cui pro capite sit cucurbita, & loco cordis pepo, item: qui dignus est, quod Cucurbitas pingat. *Rittersh. d.l. ex Tertull. lib. 4. adv. Marc. c. 40.* Ob hanc etiam ignaviam maximam incurrere maritum in Catoloniâ ignominiam, hunc enim etiam sit ignorans, solvere teneri fisco 40. solidos, & Parisiis duci per viros ab uxore retrogradum super asinum, præcone clamante: Qui sic faciet, sic accipiet, refert *Neviz. d.l. 4. n. 83.*

6. A Germanis audit hic, (6) Ein Hahnrey / Harsdörffer d. l. quod non, uti puto, derivatur à Hahn & Reye / nulla enim analogiæ ratio; sed à Hahn & Reye / quia talis maritus in seriem Gallorum est deductus; sicut enim gallus præsertim gallinaceus multis gaudet gallinis, non tamen tam felix est, ut solus iis utatur, ita & noster, licet propriam habeat uxorem, non tamen tantæ est felicitatis, ut solus fruatur universo jure, quo alii in uxoribus gaudent. *arg. l. 62. de R. J.* Vocatur (7) Ein Actions-Bruder / quod vocabulum ortum sine dubio traxit à notissimâ illâ Actionis fabula, qui mutatus in Cervum cornigerum à Dianâ. Tandem (8) venit nomine Herr Schwager / forsan ob rationem, quod ipse nesciens suos affines, omnes prætereuntes debeat, salutare affines.

7. Sed liceat mihi pace superiorum asferre quæstionem illam, quare nempe maritus veniat gravatus Cornubus, & exinde etiam Cornutus, uti dictum audiat? Variæ hic propter risu dignam & mirabilem quæstionem à variis addi euntur decisiones, *Neviz. d.l. 4. n. 92.* ex cujusdam Poëtæ carmine hanc dat rationem:

Ne foret absq; armis cornua Nupta dedit.

addens: *Crederet quid dubitas? experto crede Ruperto*

Cornibus ipse carens cornua multa dedit.

Quò videntur facere, quæ part 7. *Jucund Relat. 159. § 9. de Vernaculâ nostrâ meritiſſimus Harsdörffer de Cornubus* affert, cornua sc. potestatem significare, quod tamen κατ' ἀντιφραſιν intelligendum arbi-tratur, cum talis maritus potius simulachrum potestatis maritalis, quam potestatem habeat; & facit, quod quamvis maritus ipse fo-

rum

rum violaverit, uxor tamen apud nos non dicatur cornua gerere.
Aliam profert *Philand. von Elterwald in Visionibus. Vis. des Todten*
Heers/ideò maritis cornua competere, quia caput est, dum inquit:

Si quando sacra jura fori violaverit uxor,

Cur gerit immeritum cornua vir?

Resp. quia caput est.

8. Evoluta nominis definitione, pergendum ad ipsam Realem;
Describimus autem Cucurbitationem, quod sit Felonia quædam
in committendo, indirecta, quæ Vasallus adulterando Domini sui
uxorem, aut pudicitiam ejus attentando, item conjunctas personas
in jure FF. & à Dd. passim relatas stuprando, Seniores suos gravi
injuriâ afficit, indeq; Feudum amittit, *per text. 1. F. 5. d. vers. item si fi-*
delis junct. 2. F. 24. § Rursus. ibiq; Dd.

9. Generis loco ponitur *Felonia*, hoc vero quale sit verbum,
non nisi ex jure feudali constat. Descendit à juxta veriorum opi-
nionem ex vocabulo Longobardico *Feslen* vel *Feelen*/quod scribe-
batur etiam *per ac faelen*/ita tamen ut illud significaret *errare*, hoc
verò idem esset ac perfidia, inde etiam id Germanorû: *Einen ausm*
faelen *Werde besinden* /deprehendere aliquem in fallaciâ, fraude &
perfidia, & sic Longobardi natione Germani hoc vocabulum deri-
varunt à dictâ voce *faelen*/quod terminatione latinum, derivatione
verò Germanicum. *Dn. Seruv. S. J. T. c. 15. a 8. n. 1. dixi in definitione*, &
hæc vox in genere competit delictis, quibus Vasallus Feudum per-
dit, quod autem Cucurbitatio sit *Felonia*, id ex dictis constat, & pro-
batur, quia Vasallus contra fidem datam faciens, sit perfidus.

10. Differentiam absolvent reliqua, & quæ dicitur (1) *in com-*
mittendo. Omnis enim felonia vel est in committendo, vel in omit-
tendo. Hæc non est, quia in hæc requiritur omisio illius,
quod ratione Vasallagii Vasallus præstare tenetur; uti sunt omisio
servitiorum *per text. 2. F. 55. § firmiter*. omisio denunciationis cen-
tra Dominum conspirationis, *ver. Præterea si Vasallus Ec. 2. F. 24.* & id
genus alia. Ergo erit talis in committendo: Hæc verò fit vel in Do-
minum, vel in rem, vel in extraneum, de duobus posterioribus no-
stra non participiat, quare erit in Dominum; si igitur hæc, aut dire-
ctè tendit ad Dominum, aut obliquè & per consequentiam. Illa
huc non spectat, quia tùm commissa dicitur, si in Domini perso-
nam

nam immediate peccet, v. g. cum in proelio deferendo; hic verò interveniente uxore injuria tendit ad Dominum, erit itaq; Felonia in committendo in Dominum in directe commissa. Dum enim Vassallus polluit eorum Domini, citrà dubium involat in jura Domini, cumq; juxta suprà allata malè audire, quò minus ipse honestè possit stare in judicio Parium Curtis, Dominoq; servitium præstare, *Rittersb. d. l. 2. c. 5. q. 92.* Dixi porrò, quâ Vassallus &c. & hoc modo separatur ab omnibus aliis delictis in Dominum commissis, de quibus §. 1. *Membr. 2.* separatim agendum. Dicitur alias (1) Adulterium *per text. 1. F. 5. v. Item si fidelis junct. 1. F. 17. ibi: adulterarint.* (2) Concubitus vel saltem attentatio ad concubitum *d. §. 1. Item si fidelis 1. F. 5. §. 1. F. 21. inf. ibi: si concubuerit.* (3) Immixtio Vassalli cum Domini vel Domine filia &c. *per. text. 2. F. 24. §. 2. vers. Rursus.*

II. Dividitur Cucurbitatio in Consummatam & Inchoatam: Illa est, quando Vassallus cum uxore Domini vel cum ejus filia, aut sorore &c. opus hoc venereum ad finem perduxit, *per text. 2. F. 24. §. Rursus. §. 1. F. 5. Item si fidelis ibid. cucurbitaverit* &c. Inchoata v. est, quando Vassallus concumbere cum uxore Domini se exercuit, aut cum eâ turpiter luserit, ad effectum v. sceleris, non pervenit, *d. §. Item si fidelis 1. F. 5.*

12. Causa efficiens ratione introductionis est *Jus Feudale à Longobardis & Francis Italiam Galliamq; occupantibus introductum Dn. Struv. S. J. F. c. 1. 2. 3. n. 3.* quod postea inslar Rhapsodia, à quodam privato conscriptum; quod alias vocatur Consuetudo Feudorum *2. F. 2. §. f. it. Mores Curiarum, 2. F. 1. pr. Usus etiam Regni (sc. Longobardici) 1. F. 15. §. 1. Vid. Schnob. Diss. Feud. 1. tb. 4.*

§. 13. Subiectum quod, seu activum, constituit Vassallus hoc perpetrans flagitum, *1. F. 17. §. 1. F. 21. §. f.* Nihil autem refert, quis sit Vassallus, superior ne an inferior Domino; Liber an v. Servus *per text. 2. F. 3. Vultej. de Feud. c. 4. n. 7.* Subiectum verò in quod seu materia circa quam sunt persone, partim Immediate, partim Mediate; hæc est Dominus, cui dicitur inferri hæc Cucurbitatio *per text. 1. F. 5. d. §. Item si fidelis §. 2. F. 57. §. ibi F. F.* Personæ immediate sunt, in quas crimen hoc committitur, uti sunt: 1. Uxor Domini *per text. 1. F. 17. 1. F. 5.* sive sit justa sive injusta, *per l. 13. §. 1. de adulterio: imò talis, quæ vulgaris est. Dd. ad text. 1. F. 5. arg. d.*

l. 13. §. 2. d. 1. (2) Sponsa ipsius, nam neq; spes matrimonii violanda, d. l. 13. §. 3. eod. (3) Soror in domo manens Domini, & adhuc in capillo per text. 2. F. 24. §. Porro. (4) Filia, (5) Neptis ex filio. (6) Mater. (7) Nurus. (8) Vidua, & (9) Concubina Domini, 1. F. versf. Item si fidelis, &c. ibiq; Dd. de quibus infra.

14. Forma & finis consistunt in modo ledendi, nimirum in violatione fidei & tori Domini; In eo namq; ab aliis distinguitur criminibus. Dum enim hic fidem frangit in Investiturâ Domino datam, graviterq; contra tertium formæ fidelitatis impingit præscriptum, 2. F. 6. gravissimam infert Seniori injuriam.

15. Et hæc de Definitione: Jam esset pergendum ad personas, cum quibus coiens Vassallus, poenam incureret feudalem; Cum v. sequenti capite de his me in speciem dicturum constituerim, placeat nunc paucis quædam de adulterii poenarum origine in medium afferre, ut de iustitia dispositionis Juris Feudalis eo melius constare possit. Hanc v. non repeto cum Pyrrhoniis & Cyrenaicis ex LL. opinione vel statuto hominum, quorum illi, τὸ δίκαιον εἶναι καὶ πᾶσι χρὴ εὖ φέσσειν, ἀλλὰ νόμῳ; hi verò: μηδὲν εἶναι φύσει δίκαιον ἢ καλὸν ἢ αἰσχρὸν, ἀλλὰ νόμῳ καὶ ὅρῳ, inqvunt, Horum enim opinionem tanquam erroneam ipse Ethnicorum sapientissimus Cicero rejecit & contra eos disputavit lib. 1. de LL. Vid. Wiffemb. ad 42. de V. S.

16. Fundamentum igitur peto ex ipso Jure Naturæ, dum enim hoc prohibet malum §. 3. Inst. de J. & J. simul etiam præcipit & vult, pnniri transgressorem; Cui adstipulatur Deus T. O. M. qui in libro Decalogi expresse dicit: *Non machaberis*. Certum est, Decalogi præcepta non ideo esse iusta, quia præcepta; Sed ideo præcepta, quia iusta; Si igitur quis transgrediatur hanc legem, determinavit summus LLator *Levit. 20. v. 10.* poenam capitalem, *suprum*, inqvies, qui infert alterius uxori, morte moriatur & adulter & adultera. Ex quo videmus, Deum non tantum jussisse, & quæ conveniunt naturæ; Sed etiam velle, ut gravissimis poenis prosequamur mala *Licet autem* (inqv. Schneidw. ad Tit. Inst. de Nupt. p. 5. de Repud. n. 62.) *lex mosaica judicialis ad nos non pertineat, tamen exemplum legis Mosaice munis Conscientias, quia ex testimonio legis divina certi sunt judices, se non facere contra voluntatem Dei.*

Quam-

Quamvis igitur alii dicant , pœnam non tam præcipi à Jure Na-
turæ , quàm permitti ; Non tamen congruit cum ipsâ rei veritate.
Quis enim non intelligit , eo ipso , dum aliquid prohibet , etiam
tacitè velle & præcipere J. N. ut hoc delictum contra legem præ-
scriptam commissum quoq; puniatur. *Facit mecum J Ctus Saxon.*
Magnif. noster Ordin: Dn. D. Zieglerus in Comment. celeberr. ad Hug.
Grot. l. 2. c. 20. §. 22.

§. 17. Cùm autem J. N. taceat , qualis esse debeat , adulterii
pœna , capitalisnè an verò pecuniaria , exhinc videmus , naturam
Llatoribus humanis hanc reservasse determinationem , qui et-
iam pro diversitate loci , morum & delicti diversas statuerunt
pœnas ; & nullus ferè unquam adinventus populus , cui hoc de-
lictum non pœna dignum visum sit. Sic legimus de Locrensi-
um Llatore Seleuco , qui sancivit , ut adulteris uterq; oculus erueretur.
Quam etiam statuere voluit pœnam in proprium filium transgres-
sorem , victus verò populi precibus , suo prius , deinde filii oculo
eruto , legi latæ satisfecit. *Val. Max. Lib. 6. c. 5.* Sic in Regno
Neapolitano sancitum legimus , quod Vir hoc casu mulieri adul-
teræ nasum præcidere potuerit , quod si facere noluerit , mulier
publicè fustigata sit. *Franc. Vip. sr. Côm. opin. Lib. 2. verb. Adulteri.*
n. 4. Sic & Imperator Aurelianus stupratorem hospitis suæ dua-
bus arboribus alligatum discerpfit. *Vid. Saxon. in Chron. Casar. p.*
179. & Joach. à Beust. sr. de Matr. p. 2. c. 18.

18. Hinc etiam liberum erat in J. Civ. pœnam præscribere ,
qualem existimabant convenire cum delicto , non enim æquipa-
ratur delictum & persona , sed delictum & pœna , ut quantum sit
delictum , tantum quoq; juxta naturam justitiæ commutativæ æsti-
metur pœna. *Vid: Eckbold: ad tit: m. de J. & J. n. 12. & Dn. Struv :*
S. J. C. Ex. 1. b. 31. Sic de Jure XII. Tabb: legimus antiquorum Ro-
manorum de adulterio legem , quâ statuitur : Si quâ mulier teme-
rum bibisset , cum vè alieno viro probri quid fecisset , ut in eam mari-
tus ipsius causâ cum propinquo mulieris cognitâ , pœnam statueret ,
(quæ erat interdum capitalis. *Plin: lib: 14. c. 13.*) ast si eam in adul-
terio deprehendisset , tum eam occidendi jus haberet , *Vid: Balduin :*
Com: ad LL. XII. Tabb: c. 15. & 16. p: m: 17. seqq: & Rittersb: ad LL.
XII. Tabb: c. 7. p. 17. 89. seqq.


§. 19. Verum cum hæc lex nimis rigida esset ratione præsertim hinc ei consuetudine inumbratæ successit lex julia de Adulteriis , à D. temeti, Augusto confirmata *L. 1. π. ad L. Jul. de adult.* quæ poenam aliquanto mitiorem præscripsit adulteris, Relegationem nempe, *per l. 5. π. de Quæst. Cujac. 6. Obs. 11. Tac. lege. 2. Annal. c. 50. Vid. Wissemb. ad tit. π. de adult.* Sed cum hæc lex videretur in insufficienti, quare crescentibus indies delictis, exasperabantur quoq; poenæ Constantinus enim. M. ad similitudinem legis di-næ gladii confirmavit poenam, *l. 30. §. f. C. d. r.* quam tamen in foeminâ Imp: Justinianus iterum mitigavit, *per Nov. 134. c. 10. S. adulteram.* Et quamvis *Jul. Clar. §. Adulterium n. 7. vers. in senatu ego &c.* ob delictum in foeminâ turpius & in certitudinem prolis annotet, hanc detrusionis poenam (præsertim cum hoc nostro tem-pore monasteria pluribus in locis desolata sint) in desuetudinem abiisse, & se nunquam in senatu eam servari vidisse recenseat; Novissime jus Justinianum in *d. Nov. 134.* antiquum conservatum, & capitis supplicium ad masculinum sexum tantum pertractum est à Carolo V. in *Constit. Crim. art. 120. Vid. Dn. Struv. §. 7. C. Excis. c. 49. §. 30. Item Constit. 19. Elect. p. 4. & hac larè deducentem Dn. Carpz. 17. Crim. p. 2. q. 53. n. 27. & seqq. ubi præsertim de obser-vantiâ fori extra ditiones Electorales testatur n. 32. 31. 34. & 35.*

10. Similem ferè antiquum Saxonum genus adulterii poenam sibi reservasse constat ex veterum, illorum Scabinorum respon-sis teste *Joach. à Beust. d. l.* qui mulierem tali casu virgis cædendam esse pronuntiârunt, nisi inter Conjuges facta sit perpetrati delicti condonatio, *per gl. Land. R. lib. 2. art. 13. verb. Und die In Ober-hurerey begriffen werden &c.* Sed hodie ista mitigatio respectu mu-lieris maritatæ habentis consuetudinem cum marito amplius in terris Electoratus locum non habet, sed rescissatum in utroq; Imp. Constantini jus, in *l. 30. §. C. b. r. per. dictam. Constit. 19. §.* wann a-ber. Ita ut neque remissio Conjugum locum habeat *per §. seq. wols-len auch.* Idem obtinet, si persona maritata cum solutâ sese copu-larit, ut hæc, si mulier, virgis cæsa relegatione perpetuâ afficia-tur; illa v. sive mas sive foemina, ordinariâ adulterii poenâ puniatur; sin v. solutus, capite plectatur. *cit. Constit. §. darüber aber.* qui li-mitatur, si reconciliatio sequatur, *§. seq. Jedoch wollen.* & non obstat, quod inter Conjuges condonatio fiat. *ib. §.* Es sol aber.

Vid.

Vid. Exekbold. ad tit. x. d. adult. §. 9. circ. fin. & Dn. Carpz. d. l. r. p. 2. q. 54. n. 27. & q. 55. per tot.

21. Ex quibus innotescit, tot ferè fuisse adulteri pœnas, quot regiones, prout in quâ liber hoc execrandum vel frequentatur vel negligitur vitium. Sed inferat quis, nulla hic pœnæ proportio cum delicto, adulter enim committit adulterium, & ob hoc capite punitur? Verum, ut taceam, adulterium factum esse turpissimum, non enim factum ipsum simpliciter considerandum, sed facti origo, animus nempe, transgressio & pœnæ contemptus punitur. Quam propositionem etiam ipse summus scelerum vindex adhibuit in transgressionem nostrorum Protoplastorum, ubi propter esum mali pœnam iisdem ir fluxit maximè acerbam. Certum a. est, omnium actiones hominum, siue bonas siue malas, habere sua vel præmia vel pœnas, pro diversitate actionum: si bonæ, præmia ipsas insequuntur; si malæ, pœnas habebunt ob transgressionem pedissequas. Et Omnis delinquens facit se obligatum ad sustinendam istam pœnam præfinitam, & quasi contrahit cum istâ lege, se velle hanc sustinere pœnam *arg. Rubr. Just. de Obl. qua ex del. nasc.* Ergo habeat sibi, quod peccarit.

22. Cum a. pœnam dictitare, sit magistratus, hæc vero sit infligenda juxta proportionem delicti, cum pœna non erit æstimanda pœna ex mente & judicio adstantium executioni, respectu horum enim videtur pœnam superare delictum præsertim in capitalibus; Sed ex personâ ejus, cui est infligenda pœna, hujus enim respectu pœna exæqvanda delictis, idque propter Criminalistarum Brocardicon: *Crescentibus delictis, crescat pœna.* Quia minor pœna non amplius habetur pro pœna, & sic insufficiens, quare ob crescentia delicta augenda pœna. Cum igitur apud nos frequentia sint hæc delicta, & nemo abstineret ab illis, si mulier tantum levi pœnâ dimitteretur, vel relegatione leges punirent adulterum, quis quæso esset tutus de suo toro? præsertim cum tali delinquenti parum inrerit, quo in loco degat. Summâ igitur necessitate aductus Constantinus & post eum alii, constituerunt, ut mitiori pœnâ sublatâ vigeat capitalis, quod aliorum exemplis hoc crimine alii caveant, ne idem committentes eandem incurrant pœnam. 

23. Meritò ergò laudanda Juris Feudalis 'de adulterio inter Vasallum & Seniore suum dispositio, *sc. Feudo privari Vasallum qui cucurbitaverit Dominum*. Maritus enim & uxor sicuti ex copulatione unum efficiuntur corpus, *can. Agathosfa. 21. XXVII. q. 2.* imò una caro. *Gen. 2. v. 24. c. debitum. in med. X. de Bigam.* maritus etiam ob hunc Vasalli congressum malè incipit audire, *Reusn. diss. Feud. IX. th. 21. in med.* ita & jure Dominus Vasalli vindicans feloniam eum beneficio suo propter violatum juramentum, quo omnem ipsi promissit honestatem 2. F. 6. exiit.

MEMBRUM II.

Exhibens

Modos, quibus Cucurbitatio commissa dicitur, & quibus non.

I.

Sicuti bona allodialia jus commune non sinit sine facto nostro ad alium transferri, *l. 11. ff. de R. J. c. 23. c. 76. de R. J. in 6.* ita & beneficiaria legitimo modo acquisita sine prægantissimâ causâ à Vasallo non possunt auferri *pr. 1. F. 17.* Hocq; in tantum procedit, ut etiam à Principe ipso minimè, ne publicæ quidem necessitatis causâ, nisi refuso pretio 3. *Reg. 21. & Ezech. 46.* fieri possit, *arg. l. 3. C. de Resc. Vend. junct. pr. 1. F. 7. Gail. 2. Obs. 56.* licet etiam hic vocetur mundi Dominus *L. 9. ff. ad l. Rhod. de Jali. Vid. Schnob. Exerc. ff. 4. th. 12. ibid. cit. sext.*

II. Cùm enim nil tam sit congruum fidei humanæ, quam ea, quæ inter eos placuerunt, observare *l. 1. ff. de Pact. & fidem datam frangere grave sit l. 1. ff. de Const. pec.* ipse quoq; Princeps meritò, ut cæteri homines obligatur. *arg. l. 4. C. de LL. §. 2.* Ne autem Vasallus sine culpâ suâ perdat Feudum, solliciti fuerunt Compilatores Feudorum, certos modos præscribere, quibus perdat, & qui. bus non. Verùm cùm natura quotidiè novas deproperet edere formas, 2. *F. 24. §. item qui. vers. sed quia.* & ipsas sub certâ regulâ & rotundâ definitione comprehendere plane impossibile videatur, 2. *F. 23. pr. & 2. F. 24. §. 2. vers. Sed quia.* quare in tantâ illorum copiâ proposui unicam hanc, ejusq; partim J. Feudalis textibus, partim Dd. communi calculo approbatas species sub dissertationis nostræ incudem revocare.

3. Quia verò *l. F. 5. vers. Item si fidelis.* ordine recensentur quædam personæ, cum quibus coiens Vasallus Feudum perdit, meritò & reservanda hæc à FF. nobis præscripta methodus. Primò autem sese offert *Uxor Domini*, inquit enim textus: *Item si fidelis cucurbitaverit Dominum, i. e. cum uxore ejus concubuerit.* Unde formanda hæc venit regula: Vasallus cucurbitans Dominum, concumbendo cum ejus uxore, perdit Feudum. *d. text. l. F. 5. 2. F. 37.* ratio est, quia agit contra honestatem Domini, & sic contra unum ex sex requisitis allegatum *2. F. 6. ibi. Honestum.* & *2. F. 7.* cum enim hic non solum sanctissima illa juris præcepta: Honestè vivere, Alterum non lædere, suum cuiq; tribuere *l. 10. π. de 3. & 3.* turpiter violet; Sed etiam maximè contra Rempubl. cui multum interest, honestos habere cives, peccet, gravius quoque marito adulterium esse, quàm proprii filii occisionem, dicit *Senecid. IV. Comment. ad 5. 25. & seq. Inst. de Ad. n. 38. vid. Neviz. d. 17. l. 1. π. 30. seqq.* meritò feloniam hanc Dominus vindicaturus, Vasallum feudo privat.

4. Cum vero hic fiat mentio injuriæ & ut aliis infamiæ Domini, non immeritò quaritur, unde sit, quod maritus laboret maculâ quâdam propter violatam fidem suæ uxoris? cùm alias notum sit, quod delicta suos tantum teneant Authores *per. l. 32. C. de Pen. c. quasi vir.* *2. X. de his, quæ sunt à maj. part. cap. 2.* Hinc in antecessum erunt examinandæ Infamiæ species, quæ constituuntur vulgò duæ, juris & Facti. *Id. ad tit. π. de his, qui not. inf.* quibus alii levem adjungunt maculam; idq; idè, ut eò melius constet, quâ laboret maritus. Infamiam juris non esse, vel inde patet, quia hæc non nisi sententiâ judicis, vel lege infertur, *Dn. Struv. Exerc. π. 7. tit. 18.* De infamiâ facti, quâ alicujus existimatio gravatur apud bonos & honestos viros *l. 2. π. de Obs. Par. præst.* major videtur dubitatio, cum viri hujus existimatio apud probos non levem patiatur jacturam, quia talis uxorem, cujus caput est, in obsequio & fide continere non potest; verùm nec hæc erit notatus, quia formale hujus in facto turpi situm est infamiti, quare marito imputari nequit; E. ad minimum dicendum erit, maritum incurrere levem maculam, quæ tamen à *Dn. Struv. d. l.* ab infamiâ diversa dicitur. Ad effectum hujus notæ si adspiciamus, neq; hanc eidem id hære dicendum, cùm non videamus, Cornutum excludi à dignitatibus, facere

facere locum quæ relex inofficiosa, & non admitti ad officia; Hinc fortè ad decisionem hujus necessarium videtur dicere, maritum nullam neque infamiam neque maculam notari, sed si quod exultimationis damnum patitur, ex opinione imprudentis vulgi est, modò non quodammodò de ipsa uxoris culpa participet. Alias enim pro diversitate casus & infamiam juris & facti notatus esse potest. *arg. l. 4. §. 3. de his, qui nos. inf. & eorumque dist. in b. 6.* nimirum pro diversitate admissi & infamis & immanis esse potest, si nihil admiserit, magis ignominia mariti ad ea, quæ *Dn. Becman. in Med. col. Diff. 15. lib. 11.* infortunium dicit, erit referenda adde quæ ex *Histor. affert Harbödffer. Jucund. Rel. p. 7. Rel. 159. §. 9.*

5. Sed redeamus ad materiam, & asserendum, hoc non tantum procedere, si actu ipso concubuerit cum uxore Domini, sed etiam concumbere saltem si sese exercuerit, i. e. concubitum ejus modi attentaverit. *Schnob. Disp. feud. X. lib. 13.* rationem addit *Curt. Jun. de Feud. p. 4. n. 24.* quia in delictis atrocioribus, puniatur affectus, licet non sequatur effectus *l. 5. C. de Episc. & Cler. l. 14. §. de fidei. l. 1. §. de Extraord. crim.* Et *Apulejus lib. 4. Florid.* In maleficiis, inquit, cogitata scelera, non perfecta adhuc, vindicantur. Quæ verba rectè explicat *Rittersb. l. 2. c. 5. p. 5.* cogitationem non intelligi nudam ac simplicem, in mente inclusam & retentam, sed quæ foras ad actum procedit, seu quæ externum quodque assumit conatum *arg. l. 14. §. ad L. Corn. de Sic. faciunt hæc ea, quæ dicit Cic. lic. 3. Of. cap. cum igitur aliquæ species. sol. in ipsa enim p. m. 107. Rittersb. d.*

6. Quid verò si eum poeniteat præsumti sceleris-num? idem erit privationis effectus? Dist. puto, aut suâ sponte desistit Vasallus à præsumto scelere, quodque si conatus fuisset, perficere potuisset; aut propter impossibilitatem & intervenientia impedimenta retractus poenitentia ducitur. Illo modo nequaquam perdit Feudum, nemo enim cogitationis poenam meretur *l. 18. §. de poen. can. 14. Dist. 1. de Panis. l. 19. §. ad L. Corn. de fals.* Hoc verò si consideratur modo, venit privandus Feudo. *arg. d. l. 19. & §. si voluerit. l. 1. F. si. inf.* Conatus enim hic pro effectu habetur *d. l. 5. C. de Episc. & Cler.* & puniatur delictum seu potius animus delinquendi, respectu sc. cujus delictum est perfectum, licet non sequatur effectus.

Quæ arg. l. 2. C. de furi. §. 1. Inst. de Obl. quæ ex del. nasc. Curs. Juæ de Feud. p. 4. n. 25. Zaf. de Feud. p. 50. n. 27. Du. Siruv. S. I. E. arg. d. 9. m. 1.

7. Dicitur potè in textu: *Aut cum ea turpiter inseris.* Ubi venit explicandum; quid sit tò turpiter ludere. *gl. ad d. S. Item si fidelis.* & explicat quod sit, si forte manus ad pectus ejus ponat. Addit *Schulz. l. 1. §. 1. n. 19. & Reusn. Diss. IX. lb. 32.* si manum in sinum mittat, scæmora, mammillas, vel alium locum unde turpe esse potest, contrectet. *per l. 10. tit. 5. lib. 2. LL. Langeb. allegatam à Rittersbusio d. l. 9. 94. arg. l. S. ult. & l. 10. π. de injur.* imò hoc fit, si mittat mulieri literas amatorias, vel munusculorum incitamenta, quibus ad stuprum eam sollicitet, familiam & custodes corumpat, aliisvè strophis pudicitiam ejus expugnare attentet. *Vult. c. 31. inf. Reusn. d. l.*

8. Hinc Qv: An etiam ob osculum uxori Domini applicatum amittatur feudum? variæ sunt hic sententiæ, ego distinctione quâdam dirimendam arbitror, aut enim oscula sunt turpia, libidinosa & amatoria, & hæc quia sunt amoris basis & preparatoria. *gl. in l. 1. p. π. extraord. crim. verb. propter voluntatem.* meritò promovent Vasallum ad feudi privationem; aut verò sunt Oscula charitativa & officiosa, quæ charitatis gratiâ puellæ obvenienti impinguntur, quæ uti sunt sancta & religiosa, meritò Apostolorum Principes Christianis commendârunt *Rom 16. v. 16. Epist. Pet. 5. v. 14.* Hic tamen benè observanda consuetudo loci, nam de Gallis, Belgis & his vicinioribus Germaniæ populis refert *Reusn. ex Zinzels. hauss d. l.* quod apud eos osculum non tantum omni crimine vacet, sed & singularis benevolentiæ signum sit, & qui id prætermittat, rusticus & agrestis habeatur; aliter v. sese habere dicit in Italiâ, Hispaniâ & plerisq; Germaniæ locis; ubi osculum luxuriosum, amatorium & criminofum judicatur, severeq; quasi archa quædam & preparatio rei Venereæ vindicetur; Et hinc apud hos Vasallus faciliè amittere; apud illos v. ob hæc non tam faciliè poterit. Qvò pertinere detur vulgatum.

Si fueris Roma, Romano vivito more,

Si fueris alibi, vivito sicut ibi.

Distingvenda tamen & hic sunt oscula, utrum fiant in loco aperto

C

&

& arbitris præsertibus, an v. in loco secreto. Illo modo ex circumstantiis facillè potest dijudicari, qualia sint, hoc vero si fiant modo, & vides aliquè uxorem amplexantem, aut est Clericus, aut vero Laicus: si hic, meritò præsumitur, osculum fuisse impudicum & libidinosas svaviationes; si vero Clericus, olim hoc interpretabantur benedictionis causâ factum *gl.in c. absit. &c. verb. sinistrum. &c. XI. q. 3.* successivè vero temporis factum nequitia Clerisimum, ut illa sententia glossæ communiter sit rejecta, per c. 1. & 2. X. de colat. Clerici & mul: Non enim præsumitur, illum dare mulieri benedictionem, & face re Zelo charitatis, à tali enim charitate libera nos Domine, nam non præsumuntur dicere: Pater noster, *ut inquit Nevizan. d. tr. lib. 4. n. verb. Curr. Jun. p. 4. n. 26. per L. 5. §. de seqv. export. & arg. l. 1. §. de extra ord. crim. Alciat. in tit. ex de Jud. c. 10. n. 10. seqq. Leben th. Coll. Arb. Exerc. 12. q. 11. in f.* Cum igitur oscula impudica non tantum proxima sint à coitu, d. m. pars quædam adulterii *Nevizan. d. l. & mulier non tantum pudicitiam illibatam marito, verum etiam oscula viro sincera reservare debet Val. Max. lib. 6. c. 1.* hinc optimo & stricto jure Vasallo pedissequa erit privatio Feudi, dicitur *n. bis in d. §. si quis fidelis &c. 1. F. §. si turpiter luserit. & §. Porro &c. 2. F. 2. q. ibi. graves & in honestas injurias &c.* quæ verba admodum generalia, & continere bene possunt injuriam hanc ex osculo impudico illatam. *Alciat. ad tit. π. soluto matrim. l. 2. n. 6.*

9. Sed cum hic agamus de osculo impudico & libidinoso, paucis perstringam controversiam, an etiam mulier ob osculum dotem perdat? Mirificè hic sese torquent Dd. quidam pro affirmativâ; quidam è diverso pro negativâ militantes. Illi, inter quos est Borchold, adducunt *l. si à sponso 16. C. de Donat. ante nups.* ubi Constantinus Imp. dicit, si à marito sponsa sit osculata, usq; ad partem dimidiam lucrari eam res sibi donatas. *ubi Gortofr. ad d. l. addit,* hoc non habere locum in Galliâ, ubi sponsa Scto Tolerano an. 1575. dig. 12. Jus. jussa est reddere omnia sponsalitia munera; aliud tamen esse dicit, si sit sponsa de præsentî, idq; fortè ob rationem datam th. præc. quia apud eosdem osculo pudicitiam delibari non præsumunt. Hi enim fidem habent de honestate mulierum suarum arbitantes semper id bonam in partem fieri, & quod omnia hæc bonæ & honestæ amicitie causâ contingant *Gortofr. d. 1. & Neviz.*

d. p. 4. n. 78. p. m. 35. Hujus opinionis quoque est Baldus in c. iue
X. de Procur. allegans, hanc in rem d. gl. L. 1. de Extraord. Crim. Qui-
bus assentire videtur ille Poëta Naso: canens. lib. 1. de art. amand. p.
m. 265.

Oscula qui sumfit, si non & cetera sumfit.

Hec quoque, quae sumfit perdere dignus erat.

Sed hisce non obstantibus alii dicunt, ob oscula mulierem
non amittere dotem, idque ex causis dissolvendi matrimonia iustis in
L. 8. pr. §. 1. 2. & 3. junct. l. pen. in f. F. de Repud. Nov. 117. c. 2. junct.
c. 12. reconstituit, ubi Imp. Justinianus in c. 8. 44. dicit, se prospexisse
haec nominatim adjicere, quae sufficiant ad transactionem legitimor-
um matrimoniorum, reliquas autem omnes vacare, nullamque
aliam causam circa eas, nominatim huic legi incertas posse solvere
legitimum matrimonium s. veteribus s. Imp. LL. contineantur.
Cum igitur in relatis Constitutionibus osculum ut causa legitima do-
tis amittende enumerata non inveniatur, sequitur utique eam le-
gitimam non censeri. Quibus jurat, odiosa non esse amplianda,
sed potius restringenda c. odia. X. de R. J. in sexto. hic vero ver-
semur maxime in odiosis & tota fere salute mulierum, quare ex cla-
ris Imp. verbis haec odiosa potius restringenda, quia per argumen-
ta ad alia referenda Menoch. de arbit. Jud. quest. lib. 2. Cent. 3. Cas.
287. n. 7. 7. & seqq. Pro decisione igitur hujus famosae & celeberrimae
questionis assero, poenam illam, quam lex consummato delicto
imponit, ad attentionem producendam non esse arg. l. 83. m. de
P. S. praesertim cum osculum etiam citra stupri desiderium conce-
datur; Quare apud Theocritum puella:

Ne Satyriscet iure, rem, ajunt, esse oscula inanem,

Facie abluta tolluntur & oscula spuo.

Efficaci ipsa adulteria non sufficienter probantur, si testes dicunt,
se vidisse mulierem jacentem cum viro, aut conspexisse cum nudâ
in eodem lecto cubare, vel se observasse, solum virum & mulie-
rem occulte se deosculantes & amplectentes, aut vidisse juvenem in
camerâ dispektoratum & caligis solutis, dum mulier januam clau-
sam teneret, & juvenem adesse negaret, c. literis. ff. X. de Praesumt.
junct. c. 27. X. de testib. & attest. licet faciant certam praesumptionem
stuprationis l. adulteriifacti, non tamen probant, praesertim cum.

L. 23. *π. de Adult.* certam adulterii probationem esse velit, quod in *ἔργῳ* deprehendantur, aut uti *Lucianus in Dialogo*, quem *Pamphylus* inscribit, putat, ἀδελφὲν ἢ ἀδελφὴν ἔχον. Quare oscula faciunt quidem aliqualem præsumtionem & indicia ad actum venereum, præsertim si fiant in locis suspectis & remotis arbitris, nullam tamen plenam & sufficientem probationem. Hinc distinguendum puto inter oscula perse & simpliciter considerata, & ratione temporis, loci & personæ sumta, illa nunquam privant mulieribus dote; hæc vero non aliter, nisi ex Qualitatibus, & aliis Circumstantiis convincatur, haudquaquam stetit mulierem intra osculi terminos c. 14. *X. de Præsumpt. Alciat. Patern. lib. 4. c. 10. circa fin. Ad obstantem L. 16.* dico, quod ea, quæ in favorem alicujus introducta, non sint applicanda ad incommoda, præsertim cum hic versetur in maximè odiosis Quibus etiam tenaciter adherent Canonistæ, si enim vocabulum Clericus in re favorabili versatur, omnes Ordines etiam Episcopos comprehendit; sed dicunt, in materia odiosa Clericorum nomine non comprehenduntur in dignitate constituti referente *Magn. Dn. D. Zieglero, Ordinario, Præceptore & Patrone ad 28 in usq. conlendo in Prælection. suis privat. ad Stephani Inst. Jur. Can. c. 2. n. 8. verb. Episcopi sub Clericis &c.*

10. Quid vero si uxor quædam teneat dotalitium à marito, an id ipsum ob adulterium amittatur? Sed antequam rem ipsam aggrediar, excutiamus mariam hanc à suo ortu. Initio igitur usum habuit dotalitium tantum inter Nobiles, *π. Pist. lib. 1. q. 4. π. 1. seqq.* postea vero inter cives etiam & alios, si feuda possideant. *gl. lat. in LandR. lib. 1. art. 20. lit. 6. vers. quod secus est &c.* utpote in quibus potissimum constituuntur, licet etiam possit fieri in alio dialibus *LandR. lib. 3. art. 75. ibi. An elgen gurs ist recht. gabe v. selb. gurs /* constituit vero hoc dotalitium maritus k eo mortuo, successor feudi in compensationem dotis ad hoc, ut uxor post mortem mariti usque ad vitam eâ utatur fruatur. Constituitur igitur hoc modo dotalitio, dico ad quæstionem, quod uxor perdat id; dotalitium enim omnè succedit in locum dotis illatæ, sicuti autem hæc adulterio amittitur, *L. 8. §. 3. junct. § 5. verb. quam ante C. d. Repud. § 1. §. 2. π. de Donat. inter Vir. & ux. quis negabit & hoc non perdi, surrogatum enim sapit naturam surrogati, Et hoc in tantum proce.*

procedit, ut licet maritus morte præventus accusationem non instituerit, modò indignatus eam expulerit, vel de eo conquestus sit *Vid. Nov. Elea. Aug. p. 4. Const. 21. Cur. ad stipulatur Gl. ad legem D. art. 31. n. 4. ibi.* Breche sie auch ihre Ehe / Und würde mit Recht von dem Manne geschieden / durch des Ehebruchs willen / sie verführe damit ihr Leibgeding. *Vid. quoque Gl. ad Weichb. art. 22. n. 22. vers. zum Tünfften / ob sie bey ihres Mannes Leben &c.*

II. Sed ut ad materiam nostram redeamus, hic venit considerandum & hoc, quod scilicet Feudum non tantum pertinet sic uxore Domini, sed etiam si cum ejus Concubinâ sese immiscuerit, de jure compuni civili, licet forsitan aliud observetur moribus, quia enim hodie Concubina nihil honestatis habet, non habebit quoque eundem effectum. *Schnob. Disp. Feud. 10. sb. 15.* Dominus enim alens talem Concubinam rem gerit illicitam, & contra observantiam reipublicæ peccat. De jure vero antiquo Concubinatus cum fuerit licitus, aliud dicendum, modò (1.) ambo sint soluti *L. 11. C. de Concubin.* ubi dicit Imp. Constantinus, nemini licere constante adhuc matrimonio, Concubinam alere & (2.) Concubina non sit ex illustri familia & libera nata *L. 3. pr. π. de Concubin.* debet itaque esse vel è servitute manumissa l. libera obscuro loco nata. Concubina enim ab uxore sola dilecti i. e. animi declinatione & proposito separatur, *Paul. lib. 2. Sent. lit. 20.* inter Concubinam enim & uxorem præter dignitatem nihil inter est *L. 49. §. 4. π. de legat. 3.* & in Concubinarum æque ut in uxorum bona filii successibiles sunt *L. 9. verb. fin. autem &c. C. Ad. Scrum Orphis.* scilicet in bona a odialia, minimè vero feudalia *per text. 2. F. 26. §. Naturales* quare etiam in his timenda perturbatio sanguinis; si enim Unci quædam bonorum liberis his naturalibus esset relinquenda *per l. 2. C. de natur. lib. & relinquentis* l. ejus heredes nescirent, an ex eo nati sint liberi, meritò præcavenda illa perturbatio, ne scilicet eâ imprægnatâ alius superveniat & sanguinem conceptum turbet in utero. *per l. 11. π. de his, qui nos. inf.* quæquam hæc ratio non omni exceptione major, quia tamen legalis, admittenda, alias enim jamdiu à nostratibus Medicis præsertim explosa. Hi enim teste Hahn. ad d. l. 11. di-

eunt sanguinem semel conceptum non posse turbari ab altero ,
quam tamen controversiam meam non fecerim.

12. De Jure vero Canonico licet Concubinatus videatur
prohibitus ad exemplum Juris divini, quod videre est *c. Concubi-
na* seqq. XXXII. q. 2. & *c. nemo ead. caus. q. 4. junct. c. 3. Gen. &
Matth. 19. 1. Cor. 5. & 7. Vid. Emer. à. Rosb. compar. J. Civ. & Car.
lib. 1. tit. 7. non tamen videtur totus prohibitus, sed quodammo-
do restrictus; nam in *c. solet quari 6. XXXII. q. 2.* præsuppositis
seqq. requisitis conceditur Concubinatus. (1.) consistat inter Cœ-
libes. (2.) non filiorum procreandorum, sed pro incontinentiâ
soli Concubitus causâ jungantur, & quidem (3.) eâ fide mediâ,
ut nec ille cum alterâ, nec illa cum alio idem faciat (4.) Concubi-
na non ad tempus duntaxat, sed eò usque assumatur, donec alia
dignior aut ditior accipiatur. Hisce igitur observatis & nullo
neglecto stabit vi *2. can.* Concubinatus, uno vero deficiente
non Concubinatus sed fornicatio erit dicenda. *Humm. in Resol. Jur.
Civ. lib. 1. tit. 3. q. 5.* quod assertum præterea comprobant *rex. in can.
isq. dist. 34. & seq. Christiano ead. Vid. Rittersb. Dissert. J. Civ. &
Can. Lib. 2. c.* Si igitur licitus, quid prohibet, quò minus etiam
Vasallus Feudum perdat concumbendo cum Domini Concubinâ.
Sed hic nobis litem movet *Rittersb. part. feud. lib. 2. c. 5. q. 104. in
med. & ibi cit. Dd.* qui dicit (1.) quod odiosa non sint amplianda,
præsertim cum nulla fiat determinatio hujus materiæ in *J. F. arg.
l. 19. in f. 2. de lib. & possum.* (2.) quod non eadem sit ratio in Con-
cubinâ, prout est in uxore *arg. l. 17. pr. 2. Rer. amor. & L. 13. §. si quis
uxorem vers. Quod & in 2. ad l. Jul. de adult.* magis etiam favea-
mus uxori, quod Concubinæ in dispositionibus juris *per 49. §. 4. 2.
de legat. 2.* Sed hisce non obstantibus satisfacit nobis textus *2. F.
26. §. 1. pres. Prædictis.* ubi reperimus dispositum, quod naturalis &
civilis ratio fradeat, prædictis modis perdi feudum, & hæc ratio
possit colligi ex novis Constitutionibus, quibus exheredantur fi-
lii &c. Recurrendum igitur ad jus Civ. & videndum, an etiam Con-
cubitus hic cum Concubinâ Patris sit sufficiens ad exheredationem,
hic verò sese offert *Nov. 115. c. 3. §. 6.* ubi inter justas exheredatio-
nis causas etiam Imp. disponit, si Novercæ suæ aut Concubinæ
Patris filius sese immiscuerit; qualis igitur injuria hic Patri & qui-
dem*

dem gravissima inferunt, talis merito censetur facta à Vassallo in Dominum.

13. Sed regerat quis, adhuc sub iudice lis est, an hoc omni careat dubitatione Vassallum iisdem ex causis perdere feudum, quibus perderet hereditatem filius dissolveretur matrimonium & Donationes revocentur? Et quoniam fatendum sit, Feudistas in diversas hic abere partes, facio tamen cum illis, & veriores esse puto illorum opinionem, qui statuunt Vassallum perdere feudum ex iisdem causis, quæ æqui pollent in jure Feudali relatis. *argum. 2. F. 24. §. 2. vers. prædi.* præsertim si inspiciamus fundamentum harum causarum, gravem nempe & inhonestam injuriam, ob quam exheredantur scilicet liberi, dissolvantur matrimonia, & donationes revocantur, jam vero si hoc adspiciamus, quid certius, quam Vassallum idcirco amittere Feudum, quia injuriolam & magnam injuriam Domino suo intulerit *per 2. F. 7. inf. pr. junct. 2. F. 24. §. Porro.* jam vero quis tam absurdus erit, qui statueret, illas dictas causas non continere maximam imò gravissimam injuriam, præsertim cum filius nullâ ratione poterit exheredari à Patre, nisi iuvante maximâ injuriâ & ingratitude. *per al. Nov. 115. c. 3. §. 6. idem dicendum de solutione matrimonii per l. 8. C. de Repud. sic & in revocatione donationis requiruntur injuriæ atroces. per l. ult. C. de revoc. donat.* Certi autem alias juris est, quod omnis injuria sit æstimanda ex inferente & eo, cui inferitur, s. in cujus potestate est, non vero respectu extranei cujusdam; sic & hæc injuria est æstimanda non ex extranei cujusdam personâ, quæ sc. ei inferitur injuria, forsitan occidendo aliquem, l. adulterando alterius uxorem. Hæc enim ratione, licet millies Vassallus adulteret alterius uxorem non tamen injuriam ullam habebit Dominus ex eo facta, sed potius Vassallus obligabit se ad poenas adulteris præscriptas; si vero consideratur ex personâ ejus, quæ est conjuncta inferenti & ipsi obligata ad mutuum honorem præstandum, maxima & gravissima est injuria, sic in exheredatione est considerandus filius respectu patris, in dissolutione matrimonii, mulier respectu mariti & vice versa, uti & in revocatione Donationis Donatarius respectu donantis. Hisce igitur præsuppositis, non video quare recedatur à communi opinione. Nec quicquam facit quod regerit *Schultz. in S. J. F. c. XI. n. 56. vers.*

56. *vers. Verum si & cum eo Curt. Jun. tr. feud. p. 4. n. 77. Schnobel.*
Diff. Feud. 10. u. 29. Quod admissa hac prædicti opinione; sequeretur, quemadmodum dissolvitur matrimonium adulterio; quocunque *per d. l. 3. C. de Repud.* similiter Vassallum feudo privari ex omni adulterio; Sed nego consequentiam, bene enim observandus respectus, cui scilicet infertur gravis injuria, cum vero h. l. gravis injuria fiat mulieri, quare ex hoc etiam concedi dissolutionem matrimonii; sic & hic, quia per concubitum Vassalli cum Domini uxore ipse Dominus injuria afficiatur; non veto si Vassallus cum alterius uxore concumbet, hinc merito illo modo punitur privatione feudi; hoc vero non: nulla enim ipsi infertur Domino injuria. Hisce addendum, ubi eadem est juris ratio, ibi etiam legis dispositio *L. 108. de V. O. L. 32. ff. ad l. Aquil. & l. ult. C. ad l. Falcid.* nisi lex expresse diversum svadeat, Sed hic est eadem legis ratio naturalis scilicet: & civilis *per text. 2. F. 24. §. Prædicta. & c.* ubi Feudista Oberus de Orto semet ipsum remittit ad causas allegatas legitimas, dicens, prædictis modis beneficium amitti, tam naturalis quam civilis ratio svadet, ubi naturalem forsitan intellis igit eam, quod sit honoribus afficiendus, omni quæ honestate prosequendus, à quo beneficium accepimus, per civilem vero, quæ in allegatis tex. locum sibi vindicat; si hoc, quare non etiam eadem Juris dispositio, præsertim cum nullum habeamus juris textum, qui contrarium svadeat, *sed textus 2. F. 7. §. 1. in f. potius nobiscum faciat.* Neque etiam facit quicquam quod *Curt. Jun. d. p. 4. n. 77. adducit ex gl. L. fin. C. de Repoc. donat.* ubi loco fundamenti adducit argumentum *ex Nov. 78. c. 2. pr.* Sed ne Oedibus quidem divinaret hoc argumentum, non enim hoc vult *Nov. all.* sed potius dicit, quod non tantæ sit conditionis donans, quam Patronus, & hic majora privilegia habeat, quæ Donator. Neque ipse *Curt. Jun.* sibi satis constat, *in n. 77. all.* dicit, non omnes causas locum habere ad amissionem Feudi *in w. c. 1. præced. 21.* ipse utitur hoc argumento: Ex quibus causis filius exheredatur, ex iisdem etiam feudo privatur, & loco probationis adducit *text. alleg. 2. F. 24. §. Prædicta.* Hoc tamen ita intellctum volo, nisi sint expressi textus *J. F.* qui aliquam harum causarum removeant, & tollant, hoc modo enim facile concedo, quod non ex omni homicidio perdatur Feudum, præ-

sertim

fertim cum non fiat hoc modo Domino injuria, *per text. 2 F. 37. pr.* si autem fiat proditorie aut in injuriam Domini, aliud dicendum, *Reusn. d. Diss. IX. ab 63. & ibi cit. Vudici. lib. 1. c. 41. n. 32. verb. Non idem & n. 13. eod. Rittersb. d. c. 5. q. 3. pr.*

13. Stat igitur Vasallum perdere feudum, si cum Domini Concubinâ concubuerit de J. Civ. & Can. Cum vero non tantum à Ducibus Marchionibus & Comitibus Feuda concedantur, sed quoque ab Archi Episcopis, Episcopis, Abbatibus *per 1. F. 1. pr.* non immerito quæritur, si Episcopus Senior forsan Concubinam quandam aliat, & Vasallus cum eâ concumbat, an ideo feudo privetur? Et Re. quod noni (1.) inter Episcopum enim & Concubinam nulla civilis conjunctio, *arg. Nov. 127. c. 12. sed damnatus & detestabilis amplexus. 1. c. X. de Cohab. Cler. & mul.* hinc etiam non posse fieri, quod ipsi Episcopo exinde gravis & sufficiens causa oriatur ad amissionem feudi. Ubi enim similis turpitudine, ibi & æqualis compensatio *Id. ad L. 3. de Cond. ob turp. caus. & l. 47. ff. sol. matrim. L. fin. §. pen. ff. de eo, per quæ facti: fac. gl. ad l. 2. pr. verb. deteriore ff. Ne quis eum, qui in jus voc.* ubi dicit, in pari delicti causa conditionem rei potiorum esse. cum autem (2.) Episcopus pœnam & beneficiorum exclusionem propter Concubinam mereatur *c. 11. dist. 32. c. sicut. & c. 4. inf. X. de Cohab. Cler. & mul.* unde (3.) ex quo pœnam meretur, lucrum expectare non debet, quod ei ex privatione Vasalli & consolidatione Feudi eveniret, nemo enim ex suo delicto meliorem suam conditionem facere debet *L. 134. §. 1. ff. de R. J. & eodem ex facto nemo & pœnam & præmium consequi debet, gl. l. 38. pr. ff. Ex quibus causi: maj. verb. cum crimen. & c.* Si igitur Concubinitus Clericis illicitus, merito damnandus ille fiscalis alicujus Episcopi, hic enim cum extorqueret subsidia, ut vocant, charitativa à sacerdotibus, & forte etiam ad sacerdotem in rure degentem perveniret ut solveret, is verò se defendens dicebat, sibi non esse Concubinam, respondit homo nequam: Hei provideas tibi de unâ, Episcopus cogitur habere pecuniam, *uti hoc relatum sibi refert Zaf. in Enarrat. ad l. 3. ff. de Jurejur. v. g.*

14. Non tamen amissio hæc regulariter procedit, si Vasallus tantum turpiter eam allocutus sit, non vero, *utigl. ad d. 5. si quis fidelis &c.* ejus personam tetigerit, si forte eam eâ licentiose l. etiam impudice sine aliâ tamen suspitione loqueretur, quia non tam turpe est colloquium, quam tactus, & maximè, cum hic verlemur in pœnalibus; *c. odia de R. J. in sexto.* oportet enim aliquid fiat in personam mulieris ut perdat, forsan lusus lascivus accedat vel tactus impudicus. Nec quicquam facit, quod colloquia & basia sint præludia Veneris *p. r. gl. ad l. 1. n. de extraord. crim.* esset enim nimis remota causa & præparatio ad concubitum, conceditur quidem, si conjunctum fiant & basia & turpia colloquia, non vero si tantum colloquatur; alias etiam sequeretur, ex visu l. r. si utpote in eodem ferè amoris gradu cum colloquio positis, quoque privari feudo, juxta id: *Post visum risum: post risum venit in usum, Post usum tactum, post tactum venit in actum.* Idem erit dicendum, si errore lapsus uxori senioris solvisset cingulum, reperiens ipsam forsan in lecto suo, & credens suam esse uxorem, hæc p. poste esse impudica in domum Vasalli, & ut juvenis personata sub larvâ autem cucullo intrasse, modò fraus Vasalli absit *arg. c. tamen lectum 6. XXXIV. q. 2. fac. l. pen. n. de adult. l. 50. n. locat.* modò non præcedant conjecturæ l. suspiciones, & malæ in Vasallo affectionis umbra subvolaret; Non autem quævis crassa & supina (si fortè dicat, se ignorasse, non licere cucurbitare Dominum) ignorantia excusat Vasallum; Sed justa & quæ excusationem meretur *c. t. n. de Jur. & fact. ignor.*

15. Quid vero si Vasallus tantum opem tulerit alteri cucurbitanti uxorem Domini sui, dum fortè domum suam, ut adulterium fiat, scienter præbuit. *arg. l. 8. n. de adult.* vel si tantum in domum suam soliti fuerint convenire ad tractandum de adulterio, etsi eo loci nihil fuerit admissum? & puto, quod perdat feudum, fingitur enim hic domum suam inde concessisse, ut adulterium committeretur *l. 9. §. ult. eod.* ubi additur ratio, quia sine colloquio illo adulterium non committeretur, *arg. l. c. 3. §. ult. n. de V. S.* cum enim hic

non

non aciat, quæ facere debeat, neque prohibet, quò minus Dominus injuriæ aliquam patiatur in personâ, neque procurat ejus honorem, quem habuit tempore juramenti præstiti. l. etiam habebit *per tex. l. 2. F. 7. vers. Ego juro &c.* sed potius omnibus nervis eò tendit ope suâ & administratione domûs, ut injuriæ patiatur; meritò quoque se indignum hoc beneficio judicat. *Intrigiol. de Feud. q. 82. n. 4. Curt. Jun. de Feud. p. 4. n. 20.*

16. Par militat ratio in eo, si ipsi Domini consilium adulterandi præstiterit, persuadere enim plus est, quàm compelli atque cogi sibi parere, l. 1. §. 3. *π. de serv. corr.* licet non accesserit delictum, hic enim fecit, quod facere potuit consilium administrando, quod vero consilium ipsius non finem suum attigerit, non penes ipsum stetit, *arg. §. 8. Inst. de Obl. quæ ex tel. nasc.* & semel talis, semper præsumitur talis, c. 2. de R. J. in sexto. hinc licet non potuerit persuadere hunc ad hoc maleficio, forsitan in alium imprudentiorem & ad hoc flagitium praviorem optatum exitum hoc consilium habebit *arg. de §. 8. Inst. circa fin.*

17. Sed cum non tantum maritus ob uxoris stuprum maximam incurrat injuriæ; d. m. Sponsus ob injuriæ illatam, exinde etiam Sponsus meritò injuriarum agere possit l. 15. §. 2. *π. de injur.* rectè Vasallus concumbens cum Sponsâ Domini Feudum perdet *arg. l. 1. F. 5. d. §. Item si fidelis ibi cum uxore ejus &c.* licet enim desponsatæ reverâ & propriè non sint uxores *aperg. l. 12. §. 1. & L. 33. pr. π. de R. N. l. 9. π. de bis, qui nos, inf. l. 1. §. C. de bon. qua lib.* tamen ita appellantur, ut in illo *Deut. c. 22. vers. 23.* ubi dicitur si quis sponsam alterius oppresserit &c. morte moriatur, ratio, in *vers. 24.* quia uxorem alterius violavit, *fac. l. 5. π. ne testib. & c. qui de sponsatam &c. l. 2. XXVII. q. 2.* hocque ob promissionem factam & spem futuri conjugii; Est enim Sponsus quasi maritus & desponsata quodammodo nupta *Vinn. in Not. ad §. 9. Inst. de Nupt.* Uxor enim Sponsa in his, quæ ad sponsi honestatem pertinent, esse intelligitur, *arg. l. 30. π. de R. J. nec nuptias duntaxat sed nec spem nuptiarum temerare debet Vasallus. l. 13. §. 3. π. ad L.*

*Jul. de adult. Reusn de Disp. IX. 1b. 33. Schepfliz. ad Rlammner :
tr. Promtuar : Jur : Civ : & Feud. tit. 7. §. 9. n. 4.*

18. Et hæc de uxore vel huic simili personâ Domini :
Pergit textus de 1 F. 5. §. Item si fidelis. &c. Vel si cum filiâ , aut
cum nepte ex filio cum nuptâ filio. & 2. F. 24. §. Rursus per-
dit itaque Vasallus Feudum , si cum hisce concumbat perlo-
nis , patitur enim non solum quis injuriam per semetipsum,
sed etiam per liberos , quos in potestate habet & qui libero-
rum loco sunt ; §. 2. Inst. de Injur. l. 1 §. 3. n. & l. 2. C. eod :
Notanter vero ticitur Nepte ex filio, non vero filiâ , secundum
communem Dd. opinionem , Senior enim non tantum de-
decus accipit per injuriam illatam nepti ex filiâ , quam ex filio ,
Reusn. d. l. 1b. 38. ex vulrej lib. 1. c. 11. n. 31. illa enim non in a-
vi materni , de patris sui est familiâ §. ult. Inst. de P. P. & filia
non Patri, d. marito filiumfam : parit, l. 2. §. 1. l. 29. fol. matr.
& nil refert quo fiat loco , an in domo patris, an vero alibi. I-
dem quoque obtinet in Nuru , nam & hæc loco filiz est socer-
o & socru §. 6. Inst. de Nupt. Rittersb. d. tr. q. 107.

19. Hisce jungitur soror Domini dd. xxxi. si se : est in
domo fratris, extrâ hanc enim constituta , cum deficiat a-
missionis causa, Vasallus est excusandus ; majorem vero ad
Domini injuriam pertinet , si hac nefanda patrentur in do-
mo suâ , quam si alibi *arg. l. 23 §. 2. w. ad l. Jul. de adult. Zas:
de Feud. p. 10. n. 25.* rationem allegat Rittersb. d. l. q. 108. quia
hoc posteriore casu non tam propriè attingit Dominum feudi
ut priore, nam nubendo alteri , à domo fratris transit in fami-
liam mariti sui , qui illam vindicare debet ipse injuriam.

20. Hic vero magna exoritur C : inter FF. Quænam
veniat hic intelligenda soror , an quæ adhuc innupta , an ve-
ro jam nupta ? *Zas. d. p. 10. n. 25. & Curt. Jun. d. p. 4. n. 29.*
putant ex 1. F. 5. sufficere , delictum esse in domum fratris
commissum , non observato , an sit nupta l. non per d. l. 23. §.
2. de adult. ad textum 2. F. 24. §. Rursus contrarium dicit Jun.
d. l. multum inter esse an part: Quæ in hoc textu ponatur Re-
lativè , an vero demonstrativè , si h. m. accipiat, putat libe-
randam esse opinionem Alvarotti *qvi m. d. §. Rursus existimat,*

mat, nihil interesse, si maritata sit uxor, si non, modò existat in domo fratris. Sed quam benè id statuant, videbimus, nam in d. 5. *Rufus* expresse additur: *quæ in capillo* ticitur, jam vero ex stylo Langobardorum notum est, ipsis in capillo idem fuisse, ac nondum maritatum puellam esse dicitur in *Haaren* gehr. / quæ nota apud Saxones erat virginiratis, uti annotat *Reusn. in Præfat. Jur. feud. adulter. verb. Accidit &c.* quam explicationem quoque suam facit ipse *Zafius p. 10. n. 25. in pr.* hoc igitur concessio, concedendum quoque non sufficere fore in domo esse, sed etiam accedat, adhuc eam innuptam esse, nec quicquam facit. *F. 5. ubi simpliciter dicitur, textus enim ex textu est explicandus per l. 26. p. de l. & l. 41. p. de Pen. arg. l. 119. de V. O.* vai enim lex duo conjunctim requirit, non sufficit alterum fieri, sed utrumq; debet adesse *l. 129. de V. O. & l. 5. w. de Cond. Inst.* ad distinctionem allatam à Jun. Curtio dico, Relativi naturam esse, ut referat se ad antedictum & sic quandam continuationem significet *arg. l. 1. C. de SS. Eccles.*

21. Si verò (dicat quis) Vassallus ob commissum stuprum illatum Domini sorori perdit feudum, multò magis ob eandem fratris Domini? Sed ob hanc non perdit *per 2. F. 37.* cum tamen atrocius sit crimen homicidium, quam stuprum, illud enim poenam secum fert capitalem, *per S. 5. in pr. Inst. de publ. Jud. & l. pen. S. 1. p. de L. Pompej. de Parricid.* hoc vero non nisi publicatione dimidiæ partis bonorum *per. S. 4. Inst. de adul.* Sed dico, quod Vassallus concumbens cum sorore Domini videatur plus peccare, & cum majori ignominia quam occidendo fratrem Domini propter violatam pudicitiam Domus, & quia quodam modo soror est in tutela & à Domino dependet. *Zaf. d. p. 10. n. 26.*

22. An vero idem obtinet, si concumbat forte cum matre ipsius Domini? cum hic expresse non disponatur feudum recurrendum ad Jus commune *arg. 2. F. 1. in f. pr.* hoc verò dicit: Eadem debetur matri, quæ Conjugi reverentia, *arg. Nov. 105. r. 2. pr.* item mater & uxor respectu Conventionis coram magistratu officiorum similibus gaudent privilegii

L. fin. §. 1. pr. C. de Castrenſian. XII l. ult. pr. C. de Privil. Schol. eod. XII. ſi igitur hoc, neceſſariò ſequitur, Vaſallum perdere feudum, ſi concumbat cum ſenioris matre, ubi enim eadem legis ratio, ibi eadem diſpoſitio. *Curt. Jun. d. p. 4. n. 20. Schnob. Diſp. Feud. X. lb. 14. in pr.* imo putarem, Dominum longè majorem ex hac commixtione ſentire injuriam, quam ſi cum ejus concumbat uxore.

23. Quid vero ſi Dominus ſit mortuus, & Vaſallus concubuerit cum ejus Vidua reſidua? Controverſia hic maxima eſt inter Dd. ſunt enim qui planè negant, ob id Vaſallum feudo privari, *Schnob. d. Diſp. X. lb. 14.* moti textu quodam ſatis prægnante *1. F. 21. §. ult. ibi vivente Domino*, Et: ceſſante, dicunt, cauſa, ceſſat effectus, & mortuo Domino, non alterius poſte aliquid fieri in ejus contumeliam; Alii in totum affirmant, indiſſerenter Vaſallum hac ratione, perdere feudum *per l. 4. §. 16. ibi: ſemper enim reverentia ꝑ. de dol. ex c. l. 8. in f. ꝑ. de ſenac. l. 22. §. 1. ꝑ. ad Munic. Curt. Jun. p. 4. n. 20.* Alii iterum diſtingvunt inter tempus luctus & reliquum vitæ Viduæ ſpatium, illo modo putant Vaſallum perdere Feudum; hoc vero non, *arg. Nov. 39. c. 2. Dn. Struv. S. J. F. c. 15. aut 9. n. ult.* Mediâ vero incedendum viâ putans facio ꝑ: cum Dn: Struvio, ꝑ: cum Curt. Jun. & quidem cum hoc, ſi vidua eſt ſucceſſoris in feudum mater, hæc enim reſpectu Prædeceſſoris eſt vidua, reſpectu vero filii relictæ & jam poſſidentis dominiũ iſtius feudi directum, eſt mater, quia vero Vaſallus ob concubitum cum matre Domini, perdit Feudum, uti dictum, hinc dicendum, quocunqve tempore ſtuprum fiat, perdi Feudum. Aliud vero dicendum, ſi deficiente deſcendente, agnatus ſuccedat, tunc enim cum Dn. Struv. & aliis diſtingvo, quod fiat aut intra luctus tempus, aut poſtea, illo modo affirmatur quæſtio, *per Nov. 19. c. 2.* hoc vero nego. *arg. l. 29. in f. ꝑ. de lib. & poſſib. hered. in ſl. l. 42. ꝑ. de poen. c. 15. X. de R. J. in ſexto* in vidua enim impune ſtuprum committitur *l. 13. §. 2. ꝑ. ad L. Jul. de adult.* benè tamen diſtingvendus luctus annus à reliquo vitæ viduæ curſu, cam *Nov. 39. all. caveat & dicat de eâ*, quæ intra undecimum meſem parit,

parit, eique pœnas imponat omnes, quæ sunt propositæ mulieribus intra tempus luctus nubentibus, quia verò materia hæc odiosa restringenda est. Si igitur mulier non perdit lucrum nuptiale ob stuprum post luctus tempus commissum, quis dicet & hoc loco Vassallum privari suo feudo, idè enim perdit mulier lucrum quod eadem sit offensio & injuria in maritum, quam si vivo Domino esset stuprata. Intra luctus enim tempora peccans, intelligitur in matrimonio peccasse, & intemperantissimæ libidinis est, quæ tam citò peccat à morte viri, & magnam facit cineribus mariti injuriam, videtur enim intra tempus luctus nuptam esse eam, quæ alterius nuptias adire prohibetur *Nov. 22. c. 22. pr. Scip. Gent. de secundu nups. c. 7. Joach. à Peñst. 17. de matrim. p. 2. c. 36.*

14. Nec interest, an dictæ personæ sint communia prolibula, & ex corpore quæsum faciant, an vero non? Loquuntur enim dd. textus generaliter, non distinguentes, an sint meretrices, an vero non. Jam autem ubi lex non distingvit, nec nostrum erit distinguere *arg. l. 1. §. 3. w. de Aleat.* Vassalli enim est, afflicto huic non addere afflictionem, & licet alii injuriam afferant Domino per ipsi conjunctas personas, Vassalli tamen erit, ob beneficium suum abstinere ab hoc coitu nec excusationem meretur, quod idè offendit, quia alii offenderunt. Sed *Schmob. Diss. X. lib. 6.* hic obvertit textus aliquot, quibus ostendit, Vassallum ob talem concubitum minere caducitate Feudi privari *per l. 22. & l. 29. C. ad l. Jul. de adult.* ubi dicitur, quod in meretrice nec stuprum nec adulterium committatur. Sed posito hoc non vero concessio, tamen cum *Dn. Rhetio ad d. §. Item si qui & c. 1. F.* putaverim esse, Feudum exui Vassallo ob hoc, licet enim non committat adulterium vel stuprum, tamen ignominiam Domini facto suo augeat, & contemptui habet juramentum illud fidelitatis *2. F. 6.* ubi juravit, se non tantum velle committere quid contra ipsius honestatem, verum etiam vel à lex illa adductis à Domino avertere, quod verò hic non observat fidelis. Datum ènim Feudum, ut defendat honorem Domini, quem etiam eo mortuo, observare est obligatus *l. 4. §. 16. w. de dol. ex c. & dehone-*

dethonestari est magis, quam mori l. 8. §. *Quod, etiam c.* praesertim cum causa liberalitatis à criminatione separata sit oportet. per l. 10. inf. C. de Donat: inter Vir: & ux: Vide hanc de re eleganter differentem Gregorium in Homil: Martyr: qui, Minorem, inquit, dolorem mala inferunt, quæ ab extraneis inferuntur, plus vero ea tormenta, quæ ab illis patimur, de quorum mentibus praesumebamus honesta, hic enim cum damno corporis, cruciant nos damna amissa caritatu. Huic accedit, quæ nemo debeat injuriam inferre ei, quem defendere oblitus est arg. C. L. 17. de Evid: & nuptam vulgaritas non excusat. L. 13. §. 1. w. ad l. Jul. de adult. junct. L. 29. C. eod. bene tamen distinguendum puto inter scientem vulgaritatem harum personarum, & ignorantem Dominum; fieri enim bene posse, ut meretricia illa vita latuerit Dominum, & hoc modo non excusatur Vasallus; si vero sciat & dissimulet, dolus cum dolo compensabitur per l. ult. §. pen. x. de eo, per quæ fact. cr. & c. Rittersbus. d. l. q. 100.

18. Minime vero hæc procedunt infamulæ vel Pedisse-quæ Domini, utpote inter quam & Dominum tanta conjunctio non intercedit, ut argumentum à prædictis personis ad hanc extendere valeamus. Licet enim Vasallus obligatus sit ad ea facienda, quæ sunt ad honestatem Domini, 2. F. 7. pr. in hoc verò quodammodo in Domini vergat præjudicium, imò injuriam videatur inferre Domino arg. l. 15. §. 19. de Injur. non tamen omni ex causâ, ex quâ Domino nascitur præjudicium sive aliqualis injuria, Vasallus venit privandus feudo, arg. 2. F. 24. §. Perro junct. c. odia de R. 7. in 6. Schnob. d. Dis. x. lb. 15.

19. Dictum sup. quod Vasallus exercens concubitum cum Domini uxore privetur feudo, hinc Qv. an hoc procedat, si cum cæteris allegatis personis sese exerceat? Et dicendum videtur, quod sic (1.) quia una determinatio respiciens plura determinabilia, debeat ea æqualiter determinare arg. l. 4. C. de Imp. & al. Substit. (2.) quia Jus Feudale dicit 2. F. 7. pr. inf. Vasallum nunquam ex personâ suâ facere aliquid ad Dominum & suorum injuriam & c. Vid. Curt. Jun. p. 4. n. 25. Vult. lib. 1.

c. 11. n. 31. Verùm magis placet in castra contrarium sentientium transire, idque propter textus nostri dispositionem, qui illa verba ad uxorem tantum refert, quæ si ad reliquas quoque voluisset reata, postposuisset, & non præposuisset.

20. Si v. Filius f. contubuilset cum tali personâ, Pater Vassallus, qui filium, Domino requirente, ad eum non deduxit, vel à se paravit, privatur feudo, *l. 1. ff. ver. Insuper.* hâc enim separationis intermissione censetur amicitiam domesticam copulasse cum inimicis Domini, *arg. d. l. 1. ff. 7. 1.* Est autem in Vassalli electione, utrum filium velit deducere, an vero eum à se separare *d. l. 1. Schep. d. tr. tit. 7. §. 152.* Idem obtinere puto in reliquis Vassalli domesticis.

21. Colophonis loco addam & hpc: Sicuti Dominus in omnibus iis capitibus, ad quæ Vassallus sese adstrinxit, vicem fideli suo reddere tenetur *2. F. 6. in f. merito dicendum,* & Dominum proprietate privari feudi, si concubat cum fidelis uxore, cæterisque ipsi conjunctis personis *arg. 2. F. 47. 2. f. 26. §. 1. Dominus.* Quod enim statuitur de uno Relatorum, in altero quoque statuendum est, *dd. ad l. fin. C. de indict. Viduit. 101. 7. Rittersb. p. 2. c. 7. 1b. 2.* Nihil autem interest, Dominus sit inferior, an vero superior, licet enim Ll hic quandoque sit solutus, tamen Ll. vivere ipsi competit *§. ult. Insti quib. mod. test. inf. l. 4. C. de Ll. idq; ob contractum feudi ultro citroque obligatorum arg. text. 2. F. 87. junct. 2. F. 6. in f.*

MEMBRUM III.

Continens

Laudamentum Feudale.

1. Absolutis Cucurbationum modis, paucis addam Processum, quomodo, forsan commissio hoc delicto, sit procedendum in laudamento feudali. Hoc vero Judicium constituit regulariter, ut cætera omnia, tres personæ: Judex, Actor & Reus *l. 2. de Judic. c. forus x. de V. S.* Sed cum pro diversitate casuum & personarum diversus sit Judex, si enim inter Convasallos lis, Judex erit competens Dominus, *2. F. 55. §. 1. Præterea. fin.* (modò non sit Feudum regale, ubi tantum Impera-

tor erit Iudex 1. F. 34. pr. R. A. de anno 1521. tit. Rdm. Rdn. May. §. Ob auch Sachen fürfñelen. Ord. Cam. p. 2 tit. 7. 1bi : derselben Erkenntnis wollen wir der Kayserl. May. vorbehalten haben. Gail. 1. Obs. 1. n. 54. Vid. Suevus Exerc. Feud. XII rō 3.) si verò inter Dominum & Vassallum, Pares Curtis, 1. F. 10. d. §. Pratered 2. F. 55. Si igitur Dominus nostro in casu velit suam vindicare injuriam, Judicet erunt Pares Curtis; qui si electi à partibus nolint parere electioni, possunt cogi ad id suscipiendum, partim, quia hoc munus est publicum, l. 9. π. de Mun. & hon. partim, quod Jus feudale facultatem judicandi illis deferat. d. text. 2. F. 55.

2. Actorem hic repræsentat Dominus, qui ob injuriam illatam jus suum persequens in judicio, provocat adversarium nempe Vassallum, actionemq; adversus eum exercet, arg. l. 11. π. de Jud. Quia verò Dominus non tantum persequi injuriam, sed etiam mediante injuriâ Feudum petere videtur, hinc merito ipsi competit hoc in casu actio personalis, Condictio scilicet causâ datâ, causâ non secutâ. per text. 1. F. 21. pr. Datum enim Feudum Vassallo ideò, ut præstet ea, quæ vi Juramenti promissit; & Dominus præsumitur ideò dare Feudum, ut ipsi fidelitatem præstet, & ista sex in text. 2. F. 6. tradita semper in memoriâ habeat. Quid autem magis contra honestatem Domini, quàm hoc Vassalli delictum? Cùm igitur causa non sequatur, ob quam feudum datum est, merito etiam conceditur Domino condictio. Nec facit, quod Condictio instituitur aliâs in Jure Civ. ab eo, qui dominium amiserat, nam hoc loco Dominus quidem retinet proprietatem feudi, verum cum Vassallo non nudus intelligatur concessus usufructus, sed unâ magnâ dominiî directi portio arg. 2. F. 8 §. Reus autem. ibi : quasi vindicare. Hinc dicendum, quod repetat id, quod concessione Feudi translatum in Vassallum; vel potest dici, odio Vassallorum hoc inducendum esse (ad modum furtivæ Conditionis, de quâ vid. Donell. ad §. 14. Inst. de act. n. 9. p. m. 270.) & Rhenberg Disp. de Act. Feud. ib. 25.

3. Deniq; accedat Reus oportet, qui provocatur ab actore, ut de causa hac controversâ respondeat, qui Vassalus delin-

delinquens est. Uti autem aliàs varia huic competunt Exceptio-
num arma, quibus ictus adversarii in ipsum paratos aver-
tere possit 2. *F. 43 in m* Sic maximè procuret hic Actor, ne re-
um ad incompetens citet forum, coràm incompetente enim
litigare, est litigare coram privato *l. ult. π de Off. Praef. Urb.*
item citet ad locum tutum, & intra termini in non angustum
arg. l. 1. π. de Edend.

4. Et hæc de personis: Jam ad ipsum Judicium paucis
procedendum; cū v. Processus hic in Jure Feud. non sit præ-
scriptus, recurrendum ad Jus civile 2. *F. 1. pr. in f.* nisi Statutū
provinciale aliud svadeat. *Dn. Siruv. S. 7. F. c. 16. a. 10.* Actor
igitur Dominus ante omnia Reūm citet; sicuti enim Citatio
est principium & fundamentum judicii, §. *ult. Inst. de Pen. rē.*
lit. itā & omnis actus judicarius, etiam in rebus nonnunquā
notoriis, contra non citatum celebratus, regulariter ipso ju-
re nullus est, *arg. l. 4. C. de sens. & interloc. Gail. 1. Obs. 48. n. 2.*
seq. Zang. de Except. p. 1. c. n. 5. Offeratur autem libellus hāc
Citatione oportet, ut deliberare Reus possit, cederenē, velit an
v. contendere, *l. 1. π. de Edend. c. 1. X. de Dilat.*

5. Oblatio libellō; (in quo proponit: *Cajum Vassallum*
attentasse stuprum uxoris suæ, vel concubuisse cum eadem similivē
persona.) Vassallus aut comparet; aut non; si non comparet
iterūm vocandus usq; in spatio tertio 7. vel 10. dierum arbitrio
ejusdem Curia terminando *per text. 2. F. 22.* Si v. comparet
sequitur litis Contestatio; hic 2. Reus aut negat factum aut
confitetur; Si hoc, salva res erit, si v. negat, aut res est notoria,
& hæc non indiget probatione; *arg. c. manifesta. Il. q. 1. Eck-*
bold ad tit. π. de Probat §. 4. aut incerta & occulta; *Sibneb.*
Disp. π. 13. ib. 18. & hæc, quia dubia, probanda. Cujus a. erit
probare? dico, quia per rerum naturam factum negantis nulla
est probatio *l. 23. C. de Probat.* actorem probare teneri; ei e-
nim incumbit probatio, qui dicit hoc itā factum esse. *l. 2. m. eod.*
Wiff. Disp. π. 43. ib. 6.

6. Cū v. communiter omnis probatio vel fiat per ar-
gumenta, vel Instrumenta, vel per testes, *arg. l. 2. C. de test.*
non puto hoc delictum per Instrumentum Seniores probare
posse

posse, forsan enim delinquens, nullum dare ob brevitatem temporis poterit, vel si potuerit, noluerit; hinc vel per argumenta, vel per testes ad hoc productos; Non per argumenta *ob text. 2. F. 57. in f. E.* per testes probare tenetur. Requiritur v. hic, quia res ardua, non, uti in jure communi, vel etiam Feudali in aliis actibus, duo, *per l. 12. π de dest. junct. 1. F. 26. §. si quis & 2. F. 2. pr.* sed quinque; summa atque integra opinio testes, *d. text. 2. F. 57. in f.* & hoc de jure Feud. communi; aliud observari statuit; *Dn. Siruv. S. J. F. c. 15. a. 15.* de Consuetudine,

7. Adductis testibus aut sunt numero sufficientes, & omni exceptione majores, aut non: Si non sunt, quod faciendum? Aut planè nihil probat actor, aut probat quidem, sed semiplenè; Hoc casu puto, quod juxta textum J. Feud. 2. F. 57. Reus veniat absolvendus, requirit n. textus plenam: Nisi dicamus, Reo purgatorium moribus nostris esse deferendum. Si nihil probat, reus absolvendus *per text. 2. f. 37. §. ubi nihil.* Nec per Monomachiam rem puto decidendam, quâ olim usi sunt Germani, præcipuè in Feudalibus, *vid. text. 2. F. 39. §. Non est inf.* Hi n. quia milites, militaribus etiam animis putarunt, ob licentiam præsertim militarem, rem feudalem esse dirimendam. Nisi hisce observatis (1.) si adsit autoritas judicialis (2.) Impossibilitas probationis. (3.) Consuetudo loci accedat; id concedatur. *Kremberg. Diss. Feud. de alt. Feud. lib. 69.*

8. Si igitur probatum fuerit, Feloniam commissam, accedat Judicis sententia, quâ statuatur, *Feudum esse Domino tradendum cum omnibus fructibus à tempore delicti commissi perceptis si ve extantibus si ve consumptis.* Habetur enim hic pro m. f. possessore ex eo tempore, ex quo scivit, Feudum non amplius ad se pertinere *arg. l. 15. pr. π . Qui & à quib. man. lib. Dn. Siruv. d. c. 15. a. 11. n. 4.* Hanc tandem excipit Executio, nisi Appellatio interponatur. *per text. 1. F. 12 §. fin.* Hæc de ardua hac materia dixisse pro ingenii modulo sufficiant, majora ab iis, qui majori autoritate pollent, expectabit B. L. Ea verò, quæ jocose dicta, occasione per materiam datæ transcribet, in minus aptè prolatis humanæ recordabitur fragilitatis.

DEO pro hoc auxilio sit gloria in sempiterna secula!

